



SLUŽBENI GLASNIK OPĆINE KALESIJA

Godina: XXVX

Petak, 02.02.2007. godine
K A L E S I J A

Broj: 1

OPĆINSKO VIJEĆE

1

Na osnovu člana 66. Zakona o građevinskom zemljištu Federacije BiH ("Sl. novine FBiH", br. 68/05), člana 42. Odluke o građevinskom zemljištu ("Sl. glasnik općine Kalesija", broj 1/03) i člana 41. Statuta općine Kalesija ("Sl. glasnik općine Kalesija", broj 7/03 i 12/05), Općinsko vijeće Kalesija na sjednici održanoj 31.01.2007. godine, d o n o s i

ODLUKU

o utvrđivanju prosječne konačne građevinske cijene m² korisne stambene površine na području Općine u 2007. godini

Član 1.

Prosječna konačna građevinska cijena 1 m² izgrađene korisne stambene površine u 2006. godini na području općine Kalesija iznosi 700,00 KM.

Član 2.

Cijena iz člana 1. ove Odluke služiti će kao osnovica za izračunavanje naknade iz osnova prirodnih pogodnosti građevinskog zemljišta (rente) i uređenja građevinskog zemljišta.

Utvrđena cijena će se koristiti u 2007. godini.

Član 3.

Ova Odluka stupa na snagu danom objavljivanja u "Sl. glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-348
Datum, 01.02.2007. godine

PREDSJEDAVAJUĆI
OPĆINSKOG VIJEĆA
Hata Mujčinović dipl. ing. tehn. s.r.

2

Na osnovu člana 11. stav 3. Zakona o uzurpacijama ("Sl. list SRBiH", broj 6/78) i člana 41. Statuta općine Kalesija ("Sl. glasnik općine Kalesija", broj 7/03 i 12/05), Općinsko vijeće Kalesija na sjednici održanoj 31.10.2007. godine, d o n o s i

ODLUKU

o visini naknade za nepriznato uzurpirano zemljište u 2007. godini

Član 1.

Za nepriznato uzurpirano zemljište, za koja će se uzurpantima zemljoradnicima određivati naknada u 2007. godini, određuje se slijedeća visina naknade:

- Za poljoprivredna zemljišta u iznosu sedmostrukog jednogodišnjeg katastarskog prihoda sa uzurpiranog zemljišta za 2007. godinu.
- Za neplodna zemljišta u iznosu sedmostrukog jednogodišnjeg katastarskog prihoda sa pašnjaka najniže klase u istoj katastarskoj općini za 2007. godinu.

Član 3.

Ova Odluka stupa na snagu danom objavljivanja u "Sl. glasniku općine Kalesija", a primjenjivat će se od 01.01.2007. godine.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-349
Datum, 01.02.2007. godine

PREDSJEDAVAJUĆI
OPĆINSKOG VIJEĆA
Hata Mujčinović dipl. ing. tehn. s.r.

3

Na osnovu člana 49. Zakona o eksproprijaciji ("Sl.list SRBiH", broj 12/87) i člana 41. Statuta općine Kalesija („Sl. glasnik općine Kalesija“, broj 07/03, 12/05), Općinsko vijeće Kalesija, na svojoj sjednici održanoj dana 31.01.2007. godine, d o n o s i

ODLUKU

o načinu i uslovima određivanja naknade za ekspropisano poljoprivredno zemljište u 2007. godini

Član 1.

Ovom Odlukom određuju se bliži uslovi i mjerila za određivanje naknade za ekspropisano poljoprivredno zemljište na području općine Kalesija u 2007. godini.

Član 2.

Pri određivanju naknade za ekspropisano poljoprivredno zemljište cijenit će se korist koju može dati to zemljište redovnim iskorištavanjem, korist koju je raniji vlasnik imao od tog zemljišta, a naročito tržišnu cijenu tog zemljišta.

Član 3.

Tržišna cijena ekspropisanog poljoprivrednog zemljišta utvrđuje se na osnovu podataka o prometnoj vrijednosti koje daje Kantonalna porezna uprava – ispostava Kalesija i podataka o iznosima iz postignutih sporazuma o određivanju pravične naknade za ekspropisano zemljište u toj katastarskoj općini.

Član 4.

Ako je vrijednost poljoprivrednog zemljišta uvećana kao rezultat neposrednog ili posrednog ulaganja državnih sredstava i ako na formiranje tržišne cijene utiču okolnosti što se poljoprivredno zemljište nalazi u naseljima ili u blizini tih naselja, saobraćajnica, naknada će se umanjiti srazmjerno tim okolnostima koje su uticale na povećanje vrijednosti poljoprivrednog zemljišta.

U slučaju iz prethodnog stava, kada je predmet eksproprijacije obradivo poljoprivredno zemljište zemljoradnika, kome je prihod od tog zemljišta jedini i glavni uslov za egzistenciju ne vrši se umanjjenje naknade.

Član 5.

Okolnosti iz člana 2 stav 3. ove Odluke utiču na povećanje kod formiranja tržišne cijene poljoprivrednog zemljišta uz sljedeće saobraćajnice:

1. Put Tuzla – Simin Han – Međaš, na udaljenosti od 300 metara na obje strane od ose puta.

2. Put Tuzla – Banj Brdo na udaljenosti 300 metara na obje strane.

3. Put Živinice – Međaš – Memići – RS na udaljenosti 300 metara sa obje strane od ose puta.

4. Put Kalesija pogon – Sapna na udaljenosti 200 metara sa obje strane od ose puta.

Član 6.

Tržišna cijena poljoprivrednog zemljišta navedena u članu 5. tačke 1. ove Odluke umanjuje se za 30%.

Tržišna cijena poljoprivrednog zemljišta navedena u članu 5. tačke 2. ove Odluke umanjuje se za 20%.

Tržišna cijena poljoprivrednog zemljišta navedena u članu 5. tačke 3. ove Odluke umanjuje se za 30%.

Tržišna cijena poljoprivrednog zemljišta navedena u članu 5. tačke 4. ove Odluke umanjuje se za 30%.

Član 7.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-350
Datum, 01.02.2007. godine

PREDSJEDAVAJUĆI
OPĆINSKOG VIJEĆA
Hata Mujčinović dipl. ing. tehn. s.r.

4

Na osnovu člana 40. Zakona o prostornom uređenju ("Sl. novine TK", br. 3/05 i člana 41. Statuta općine Kalesija ("Sl. glasnik općine Kalesija", broj 7/03 i 12/05) , Općinsko vijeće Kalesija na sjednici održanoj 31.01.2007. godine, d o n o s i

ODLUKU

o imenovanju Komisije u oblasti izdavanja urbanističkih saglasnosti

Član 1.

Ovom Odlukom Općinsko vijeće Kalesija imenuje komisiju za davanje stručne ocjene, u slučajevima kada dokumenti prostornog uređenja koji su osnova za izdavanje urbanističke saglasnosti nisu doneseni ili su doneseni prije 5 i više godina, u sastavu:

1. Islamović Dijana, dipl. pravnik
– za predsjednika,
2. Imamović Obran, dipl. ing. poljop.
– za člana i
3. Hadžić Sanela, dipl. ing. građ.
– za člana.

Član 2.

Komisija iz člana 1. ove Odluke provjerava da li je zahtjev usaglašen sa dokumentima prostornog uređenja šireg područja, zakonima koji neposredno ili posredno uređuju odnose u prostoru i propisima donesenim na temelju tih zakona. Stručna ocjena sadrži sve elemente neophodne za utvrđivanje urbanističko-tehničkih uslova i drugih uslova izgradnje i korištenja građevine, odnosno vršenja drugih zahvata u prostoru.

Član 3.

Danom stupanja na snagu ove Odluke prestaje da važi Odluka o imenovanju komisije u oblasti izdavanja urbanističkih saglasnosti br. 01-05-2-1883/03 od 11.07.2003. godine („Sl. glasnik općine Kalesija“, br. 5/03 i 1/05).

Član 4.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-351
Datum, 01.02.2007. godine

PREDSJEDAVAJUĆI
OPĆINSKOG VIJEĆA
Hata Mujčinović dipl. ing. tehn. s.r.

5

Na osnovu člana 26. stav 3. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06), člana 41. a u vezi sa članom 104. Statuta općine Kalesija, na sjednici održanoj 31.01.2007. godine, d o n o s i

ODLUKU**I**

Prihvata se inicijativa naseljenih mjesta Brda, Hrvačići, Križevci za izdvajanje iz Mjesne zajednice Kalesija Gornja i osnivanje zasebne mjesne zajednice.

II

Propisana procedura osnivanja mjesne zajednice iz tačke I ove Odluke (raspisivanje referendum, nadzor, potrebna sredstva i dr.) urediće se posebnom Odlukom Općinskog vijeća, u skladu sa Statutom općine Kalesija.

III

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-352
Datum, 01.02.2007. godine

PREDSJEDAVAJUĆI
OPĆINSKOG VIJEĆA
Hata Mujčinović dipl. ing. tehn. s.r.

6

Na osnovu člana 26. stav 3. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06), člana 41. a u vezi sa članom 104. Statuta općine Kalesija, na sjednici održanoj 31.01.2007. godine, d o n o s i

ODLUKU**I**

Prihvata se inicijativa naseljenog mjesta Zates za izdvajanje iz Mjesne zajednice Rainci Gornji i osnivanje zasebne mjesne zajednice.

II

Propisana procedura osnivanja mjesne zajednice iz tačke I ove Odluke (raspisivanje referendum, nadzor, potrebna sredstva i dr.) urediće se posebnom Odlukom Općinskog vijeća, u skladu sa Statutom općine Kalesija.

III

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-353
Datum, 01.02.2007. godine

PREDSJEDAVAJUĆI
OPĆINSKOG VIJEĆA
Hata Mujčinović dipl. ing. tehn. s.r.

7

Na osnovu člana 70. Zakona o građevinskom zemljištu ("Sl. novine FBiH", broj 25/03), člana 47. Odluke o građevinskom zemljištu općine Kalesija ("Sl. glasnik općine Kalesija", broj 1/04), te člana 44. i 45. Statuta Općine Kalesija ("Sl. glasnik općine Kalesija", broj 7/03 i 12/05), Općinsko vijeće na sjednici održanoj dana 31.01.2007. godine, d o n o s i

PROGRAM UREĐENJA

gradskog građevinskog zemljišta po zonama
na području općine Kalesija za period
I – XII 2007. godinu

I

U toku 2007. kalendarske godine vršit će se uređenje gradskog građevinskog zemljišta u: I, IIA, IV i VI zoni gradskog građevinskog zemljišta i to u naseljima gradskog karaktera Kalesiji i Tojšićima.

II

Iz sredstava sa posebnog računa u skladu sa planom trošenja sredstava sa posebnog računa općine Kalesija za 2007. godinu finansirat će se:

Ulica „Žrtava genocida u Srebrenici“ uređivala bi se u smislu postavljanja glavnog vodovodnog i oborinskog kraka duž planiranog trotoara, a prema izvedbenom projektu za ulicu „Oslobodilaca Kalesije“ u Kalesiji u dužini od 0,15 km, računajući od urađenog dijela iste u protekloj kalendarskoj godini.

U centru grada izvršit će se izgradnja spomen obilježja Šehidima i palim borcima Kalesije.

U naselju Tojšići, uređivat će se javne površine - trotoar ispred osnovne škole u iznosu 20.000,00 KM tj, u obimu koji dozvole finansijska sredstva koja se ulažu kao povrat sredstava u sredinu u kojoj su prikupljena po osnovu naplate naknada za uređenje građevinskog zemljišta i pogodnosti pri građenju – rente.

U "Industrijskoj zoni" u Kalesiji (poslovna zona kod "TOK"-a) izvršit će se izgradnja puta u dužini od 0,5 km kao i izgradnja kanalizacionog voda.

Radovi će se obavljati prema navedenom redoslijedu i u obimu koji dozvoli visina prikupljenih sredstava na posebnom računu formiranom za ove namjene.

U skladu sa Budžetom općine Kalesija planirana su i namjenska sredstva kojim će se finansirati:

Uređenje saobraćajne signalizacije u centru grada (postavljanje semafora).

U toku godine radit će se na izmjenama i dopunama Regulacionih planova Kalesija (Južna i sjeverna zona), Memići i Tojšići.

Izvršit će se izgradnja potpornog zida na putu u Babinoj Luci.

Uređivat će se južni dio gradskog trga, tj. dio koji veže Trg šehida - Gradsku džamiju - Lovački dom (južno od objekta Doma kulture u Kalesiji).

III

Planirana izgradnja u Kalesiji, za područje koje se uređuje iznosi cca 7 000 m² stambenog i 7546 m² poslovnog prostora.

IV

Ukupna investicija uređenja gradskog građevinskog zemljišta iznosi 396.380,40 KM.

V

Na ime uređenja gradskog građevinskog zemljišta u I zoni gradjevinskog zemljišta, investitori planiranih objekata imaju uplatiti iznos od **27,25 KM** za svaki m² korisne površine izgrađenog stambenog i poslovnog prostora dok će se na ostale zone iz tačke I ovog programa primjenjivati odredbe Odluke o gradjevinskom zemljištu.

Naknada za uređenje gradskog građevinskog zemljišta obračunavat će se u urbanističkoj saglasnosti, a uplaćivat će se na poseban račun općine Kalesija kod Tuzlanske banke broj 1321400311635477, u KM.

VI

Ako se dodjeljuje već ranije uređeno ili djelimično uređeno gradsko građevinsko zemljište, korisnik zemljišta obavezan je izmiriti troškove uređenja, neovisno od stepena uređenja.

Visina naknade utvrđuje se u procentima u odnosu na predračunsku vrijednost građevinskog objekta, primjenom cijene m² korisne stambene površine utvrđene Odlukom o utvrđivanju prosječne konačne građevinske cijene m² korisne stambene površine iz predhodne godine, i to:

1. za obezbjeđenje prilaza parceli – 0,8%,
2. za obezbjeđenje uslova prisključenja snabdijevanja vodom – 0,4%,
3. za obezbjeđenje uslova za priključenje kanalizacije – 0,4%,
4. za obezbjeđenje uslova priključka na NN električnu mrežu - 0,4%.

Za područja koja nisu obuhvaćena godišnjim Programom uređenja građevinskog zemljišta, a obračunom nije moguće tačno utvrditi stepen opremljenosti građevinskog zemljišta, naplaćivat će se paušalan iznos u vrijednosti od **14,00 KM/m²** korisnog prostora objekta koji se gradi, nadziđuje ili dograđuje.

Obavezi plaćanja naknade za uređenje građevinskog zemljišta dodijeljenog po prioritetu, ne podliježe član porodice koji je ili čiji su roditelji učestvovali u uređenju tog građevinskog zemljišta putem samodoprinosa ili na drugi način.

VII

Program uređenja gradskog građevinskog zemljišta stupa na snagu danom objavljivanja u „Službenom glasniku općine Kalesija”.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Hata Mujčinović dipl. ing. tehn. s.r.

Broj: 01-05-273

Datum, 01.02.2007. godine

8

Na osnovu člana 68. Zakona o sportu („Sl. novine Tuzlanskog kantona“, broj 17/00), člana 41. Statuta općine Kalesija („Sl. glasnik općine Kalesija“, broj 7/03 i 12/05), Općinsko vijeće Kalesija, na sjednici održanoj dana 31.01.2007. godine, utvrdila je

KRITERIJE

za raspodjelu javnih sredstava za finansiranje sporta na području općine Kalesija u 2007. godini

I

Ovim Kriterijima utvrđuje se finansiranje i sufinansiranje fizičke kulture i sporta u 2007. godini planiranog Budžetom općine Kalesija.

Raspodjela sredstava za sufinansiranje i finansiranje u ostvarivanju javnog interesa Općine u oblasti fizičke kulture i sporta, vršit

će se u skladu sa raspoloživim sredstvima budžeta Općine Kalesija i Zakonom o izvršenju budžeta za 2007. godinu u ukupnom iznosu do 100.000,00 KM.

II

Pravo na sufinansiranje i finansiranje imaju sportski klubovi, sportske asocijacije, sportske škole, sportska društva i druga pravna lica sa područja općine Kalesija koja se potpuno ili djelimično bave sportskim obrazovanjem i odgojem, afirmišući sport kao poseban interes i brigu za psihofizički razvoj mladih općine.

III

Da bi registrovane sportske organizacije i klubovi kandidirali svoje sportsko takmičenje, manifestaciju i sportski razvoj mladih, neophodno je da ispunjavaju neke od sljedećih kriterija:

1. Da su sportski klubovi, asocijacije, savezi i druga pravna lica u oblasti sporta sa sjedištem na području Općine Kalesija i da su registrirani u skladu sa Zakonom o udruženjima i fondacijama u Ministarstvu pravosuđa i uprave do 31.12.2006. godine
2. Da se korisnici sredstava, koji apliciraju, takmiče u ligaškom i turnirskom takmičenju, ekipno, od Premijer do Međuopćinske lige.
Visinu iznosa sredstava, korisnicima istih, odredit će njihovi realni troškovi u jednogodišnjem ciklusu takmičenja i trenažnog procesa.
Uticaj na iznos sredstava imat će druge javne i slične dobiti korisnika sredstava.
3. Da se radi o organizaciji manifestacija od interesa za Općinu Kalesija i da su iste od međunarodnog, državnog, federalnog, kantonalnog ili općinskog značaja.
4. Organizacija sportskih takmičenja općinskog i kantonalnog nivoa za osnovne i srednje škole i podrška razvoju masovnog sporta,
5. Finansiranje zdravstvene zaštite (obaveznih ljekarskih pregleda za takmičenje sportista i klubova).
6. Finansiranje rada Sportskog saveza Općine Kalesija,

7. Finansiranje manifestacija od interesa za razvoj sporta na općini i afirmaciji sportskih, kulturnih i historijskih tradicija značajnih za općinu Kalesija,

IV

Obavezno sufinansiranje sportskih klubova koji se takmiče u ligaškom takmičenju bit će u obezbijedeno za njihove primarne potrebe i to:

- a) za kotizaciju učešća u takmičenju;
- b) za osnovni ljekarski pregled sportista koji je neophodan za takmičenje i
- c) posebna sredstva u visini do 35% od ukupno potrebnih minimalnih troškova za tekuću sezonu ako klub nema drugi izvor finansiranja iz javnih sredstava, a ako ima, posebna sredstva, istom će se umanjiti 10% od ukupno potrebnih minimalnih troškova takmičenja.

IV

U postupku za dodjelu sredstava nosioci djelatnosti u oblasti sporta su dužni podnijeti sljedeće:

1. Ostvarene rezultate u prethodnoj takmičarskoj godini,
2. Rezultate u tekućoj takmičarskoj godini,
3. Finansijski izvještaj za prethodnu godinu i
4. Troškove za takmičenje.

V

Ovi Kriteriji stupaju na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Hata Mujčinović dipl. ing. tehn. s.r.

Broj: 01-05-277

Datum, 01.02.2007. godine

OPĆINSKI NAČELNIK

9

Na osnovu člana 15. Zakona o principima lokalne samouprave (Službene novine broj: 49/06), člana 56. a u vezi sa članom 142. Statuta općine Kalesija (Službeni glasnik općine Kalesija broj: 7/03 i 12/05), Općinski načelnik, d o n o s i

ODLUKU

o načinu funkcionisanja Centra za pružanje usluga građanima

Član 1.

Ovom Odlukom uređuje se uloga i način funkcionisanja Centra za pružanje usluga građanima (u daljem tekstu Centar), radno vrijeme Centra i interna komunikacija Centra sa općinskim službama za upravu općine Kalesija.

Član 2.

U okviru Centra, građani svoja prava ostvaruju na sljedećim šalterima:

- info pult,
- šalter za boračko invalidsku zaštitu i raseljena lica
- šalter za ovjeru potpisa, rukopisa i prepisa
- šalter za katastar
- šalter matične evidencije (matičar)
- šalter za protokol
- šalter za protokol
- šalter-blagajna.

Član 3.

Svi šalteri iz Člana 2. ove Odluke tekstualno i numerički u centru vidno su obilježeni.

Član 4.

Radom centra rukovodi menadžer Centra, čija su prava i dužnosti definisane Pravilnikom o unutrašnjoj organizaciji i sistematizaciji radnih mjesta u organu uprave općine Kalesija.

Član 5.

Radno vrijeme Centra, odnosno prijema stranaka u Centru je od 08:00 do 15:30 sati.

Član 6.

Uposleni u Centru, pauzu za doručak koriste naizmjenično u trajanju od po 30 minuta u periodu od 10,00 do 1,00 sati. U slučaju odsutnosti / pauze uposlenika, mora se obezbijediti njegova zamjena, da bise osiguralo funkcionisanje šaltera bez problema, o čemu se brine menadžer Centra.

Član 7.

U prostorijama Centra strogo se zabranjuje pušenje, konzumiranje alkohola, unošenje oružja, uvođenje kućnih ljubimaca

(pasa i mačaka) kao i bespotrebno zadržavanje.

Član 8.

Ovjera dokumenata i akata donesenih od strane općinskih službi za upravu, čiji se pečati nalaze i čuvaju u Centru, vršit će se putem uposlenika, ovlaštenih od strane šefova službi, u općinskoj pisarnici (imena navedenih uposlenika bit će dostavljena pisarnici).

Ovjera se obavlja svakog radnog dana u terminu od 12,00-14,00 sati, na taj način da se potpisana akta za ovjeru dostavljaju na pisarnicu, namještenici pisarnice iste unose na ovjeru u Centar i ovjerena vraćaju na obrnut način.

Član 9.

Uvjerenja i druge isprave o činjenicama o kojima se vodi službena evidencija u skladu s podacima službene evidencije, izdavat će se u Centru, putem službenika nadležnih za tu vrstu posla.

Član 10.

Obavezno operativno svakodnevno ažuriranje podataka, informacija i evidencija je na nadležnim općinskim službama za upravu, i iste su obavezne pravovremeno dostaviti sve promjene u Centar.

Član 11.

Sve neophodne informacije i usluge koje pružaju općinske službe za upravu bez posjeta pozadinskim kancelarijama, građani dobijaju u Centru.

U slučaju da službenik za Info pultom ili šalterom ne može pružiti građaninu potpunu informaciju/uslugu, dužan je pozvati menadžera Centra, koji će pokušati pružiti adekvatan odgovor, u suprotnom, menadžer Centra obavlja telefonske konsultacije sa službenikom iz pozadinske kancelarije. Ukoliko menadžer Centra ne dobije odgovor, telefonskim putem konsultuje se sa šefom nadležne službe koji će pružiti neophodnu informaciju.

Član 12.

Posjeta građana službenicima u pozadinskim kancelarijama može se dozvoliti samo u slučajevima (bliže definisanim u Naredbi portirima o zabrani prijema stranaka u pozadinske kancelarije), o čemu se mora voditi knjiga evidencije boravaka građana u

prostorijama Općine. Podatke u ovu knjigu upisuje portir.

Član 13.

Šefovi službi i ovlaštene službenici organa uprave kontinuirano koordiniraju sa Centrom i redovno dostavljaju informacije bitne za građane u Centar (o čemu će Općinski načelnik donijeti Rješenje o imenovanju tima za dostavljanje informacija u Centar).

Član 14.

Uposlenici u Centru obavezni su u radu sa strankama biti upotpunosti tolerantni, ljubazni i sistematični.

Član 15.

Uposlenici u Centru obavezni su na radnom mjestu nositi akreditacije sa imenom i prezimenom te nazivom radnog mjesta.

Član 16.

Bliže definisanje vrsta informacija koje se oglašavaju na Info pultu Centra, uredit će se Uputstvom, koje će donijeti Rukovodilac Službe za opću upravu, boračko invalidsku zaštitu i raseljena lica općine Kalesija.

Član 17.

Ova Odluka stupa na snagu danom donošenja, a objavit će se u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKI NAČELNIK.
Broj: 02-05-2-280/07
Datum, 24.01.2007. godine

OPĆINSKI NAČELNIK
Rasim Omerović s.r.

10

Na osnovu člana 15. Zakona o principima lokalne samouprave, («Službene novine FBiH», broj: 49/06), člana 56. a u vezi sa članom 142, Statuta općine Kalesija («Službeni glasnik općine Kalesija» broj:7/03 i 12/05), Općinski načelnik, d o n o s i

R J E Š E N J E

o imenovanju tima za dostavu informacija Centru za pružanje usluge građanima

I

Imenuje se tim za dostavu informacija Centru za pružanje usluge građanima u koji

ulaze predstavnici stručnih službi i službi za upravu Općine Kalesija, kako slijedi:

- ispred Stručne službe Općinskog načelnika: Halilović Osmo
- ispred Stručne službe Općinskog vijeća:
Huseinović Hajrudin
Đedović Hajrudin
- ispred Službe za poduzetništvo i budžet:
Gutić Abdulah
Rizvanović Ferid
- ispred Službe za urbanizam, geodetske i imovinsko pravne poslove i infrastrukturu:
Kulanić Zijad
Halilčević Fahrudin
- ispred Službe za opću upravu, boračko invalidsku zaštitu i raseljena lica:
Aščić Halil
Tosunbegović Mujo
- ispred Službe za civilnu zaštitu:
Fazlić Safet
Hamidović Nijaz

II

Zadatak tima iz člana 1. ovog Rješenja je da redovno dostavljaju sve, za građane i javnost bitne informacije, projekte i planove, kao i ažurne informativne brošure i obrasce zahtjeva u Centar za pružanje usluga građanima.

III

Službenici i namještenici iz pozadinskih kancelarija obavezni su kontinuirano dostavljati Centru za pružanje usluga građanima sve promjene u zakonima i drugim propisima koji se odnose na usluge koje Općina pruža građanima.

IV

Ovo Rješenje stupa na snagu danom donošenja i biće objavljeno u „Službenom glasniku Općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKI NAČELNIK.

OPĆINSKI NAČELNIK

Rasim Omerović s.r.

Broj: 02-05-2-281/07
Datum, 24.01.2007. godine

11

Na osnovu člana 15. Zakona o principima lokalne samouprave, («Službene novine FBiH» broj: 49/06), člana 56. a u vezi sa članom 142. Statuta općine Kalesija

(«Službeni glasnik općine Kalesija» broj: 7/03 i 12/05), Općinski načelnik **d o n o s i**

N A R E D B U

o načinu prijemu stranaka u pozadinske kancelarije općine Kalesija.

Član 1.

Ovom Naredbom obavezuju se portiri da vrše kontrolu ulaza stranaka u zgradu općine Kalesija. Stranke koje se pojave na službenom ulazu zgrade Općine, imaju se uputiti u Centar za pružanje usluga građanima, izuzev stranaka koje se upućuju funkcionerima i drugim primaocima stranaka iz člana 2. ove Naredbe.

Član 2.

Pravo primanja stranaka u prostorijama zgrade općine imaju Općinski načelnik, predsjedavajući Općinskog vijeća, sekretar Općine, savjetnici Općinskog načelnika, pomoćnici Općinskog načelnika, sekretar Općinskog vijeća, voditelji upravnih postupaka, općinske komisije koje vrše javne poslove, a kojima mogu prisustvovati zainteresovane stranke.

Član 3.

Posjete licima iz člana 2. ove nardbe provjeravaju se i najavljuju telefonskim pozivom uposlenika Općine na pozicijama tehničkih sekretara Općinskog načelnika, predsjedavajućeg Općinskog vijeća ili sekretara komisije.

Voditelji upravnog postupka stranke pozivaju i primaju po osnovu pismenog poziva.

Član 4.

Portir je dužan u slučajevima definisanim u članu 3. od sranke tražiti identifikaciona dokumenta (ličnu kartu, vozačku dozvolu ili pasoš), upisati podatke u knjigu Evidencija posjeta građana u prostorijama općine, i zadržati ista do napuštanja stranke zgrade općine, nakon čega portir stranci vraća identifikaciona dokumenta.

Član 5.

Posjeta građana općinskim kancelarijama može se odobriti i u slučaju provođenja općinske aktivnosti „Dani otvorenih vrata“, o čemu će Općinski načelnik donijeti posebnu odluku.

Član 6.

Pravo ulaska u općinske kancelarije zgrade općine Kalesija izvan šalter sale, bez ikakvih predviđenih procedura imaju Općinski vijećnici.

Član 7.

Ova Naredba stupa na snagu danom donošenja, a objavit će se u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKI NAČELNIK.
Broj: 02-05-279/07
Datum, 24.01.2007. godine

OPĆINSKI NAČELNIK

Rasim Omerović s.r.

12

Na osnovu člana 16. Odluke o načinu funkcionisanja centra, Pomoćnik načelnika za opću upravu, boračko invalidsku zaštitu i raseljena lica, d o n o s i

U P U T S T V O

o vrsti informacija koje se oglašavaju na
Info pultu Centra za pružanje
usluga građanima

I.

U okviru Centra za pružanje usluga građanima, uspostavlja se Info pult koji omogućava građanima, kao korisnika usluga brži pristup informacijama potrebnim za ostvarivanje usluga iz nadležnosti službi za upravu općine Kalesija.

II

Info pult Centra za pružanje usluga građanima stavlja na raspolaganje sledeće informacije:

1. Opće informacije o općini (mape, statistika, podaci, organizacione šeme i drugo).

2. Vodiči o postupcima po zahtjevima stranaka iz nadležnosti općinskih službi za upravu općine Kalesija,

3. Informacija o podnesenim zahtjevima, rok rešavanja i drugo,

4. Nadležnosti općine, izvršne i zakonodavne vlasti, imena svih uposlenih i izabranih vijećnika u Općinskom Vijeću Kalesija.

5. Informacije o radu Općinskog vijeća i radnih tijela Vijeća,

6. Strategija razvoja općine Kalesija,

7. Budžet općine Kalesija za konkretnu budžetsku godinu,

8. Odluke, izvještaji, rješenja, analize, programi, planovi i drugo,

9. Telefonski imenik :Općinskih službi za upravu, Savjeta MZ-ca, javnih ustanova, javnih preduzeća, ministarstava TK-a, Federacije i BiH i nevladinih organizacija,

10. Poslovni imenik privrednih subjekata općine Kalesija,

11. Informacije i fotografije značajnih događaja, manifestacija, skupova, javnih rasprava sa područja općine Kalesija,

12. Ostale informacije vezane za principe lokalne samouprave.

III

Općinske službe za upravu i stručne službe obavezne su kontinuirano dostavljati odluke, zaključke, projekte, programe, planove i dr. akte, namješteniku za info pultom i upoznati ga sa samim sadržajem i očekivanim efektima ovih dokumenata, u cilju pružanja potpune i kvalitetne informacije građanima.

Komunikacija između općinskih službi za upravu, stručnih službi i namještenika za info pultom će se vršiti putem tima za dostavu informacija Centru za pružanje usluga građanima, čiji će sastav utvrditi Općinski načelnik posebnim rješenjem o imenovanju i to za svaku službu za upravu i stručnu službu posebno.

IV

Posredovanje u dostavljanju informacija od službi za upravu i stručnih službi prema namješteniku na info pultu Centra vršit će menadžer centra.

V

Ovo uputstvo stupa na snagu danom donošenja, a objavit će se u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKI NAČELNIK.
Broj: 02/3-05-2-282/07
Datum, 24.01.2007. godine

POMOĆNIK NAČELNIKA

Halil Aščić s.r.

S a d r Ź a j

OPĆINSKO VIJEĆE	Strana	OPĆINSKI NAČELNIK	Strana
01. Odluka o utvrđivanju prosječne konačne građevinske cijene m ² korisne stambene površine na području Općine u 2007. godini	1	09. Odluka o načinu funkcionisanja Centra za pružanje usluga građanima	6
02. Odluka o visini naknade za nepriznato uzurpirano zemljište u 2007. godini ...	1	10. Rješenje o imenovanju tima za dostavu informacija Centru za pružanje usluge građanima	7
03. Odluka o načinu i uslovima određivanja naknade za eksproprisano poljoprivredno zemljište u 2007. godini	2	11. Naredba o načinu prijema stranaka u pozadinske kancelarije općine Kalesija	8
04. Odluka o imenovanju Komisije u oblasti izdavanja urbanističkih saglasnosti	2	12. Uputstvo o vrsti informacija koje se oglašavaju na Info pultu Centra za pružanje usluga građanima	9
05. Odluka o prihvatanju Inicijative naseljenih mjesta Brda, Križevaca i Hrvačića za osnivanje zasebne MZ	3		
06. Odluka o prihvatanju Inicijative naseljenog mjesta Zates za osnivanje zasebne MZ	3		
07. Program uređenja gradskog građevinskog zemljišta po zonama na području općine Kalesija za period I – XII 2007. godine	4		
08. Razmatranje i donošenje Kriterija za raspodjelu sredstava za finansiranje sporta na području općine Kalesija u 2007. godini.	5		